

得會高吟

西湖

陶弼

寧越佳山水西湖似浙城種多天竺子潮次海
門聲路向林稍轉橋隨野色橫從此依棲客無
復渡江情

北湖

陶弼

寧越佳山水城西枕北湖丘陵助形影溝洫借
膏腴晚景羣峯會春流衆壑趨自知千載後歌
調有農夫

五湖亭

陶弼

七堤還遶四城隅
限隔烟波作五湖
書記寫供都水帳
畫工描入職方圖
東流滿國湖相似
寒氣侵人瘴自無
日際諸蠻盡冠帶
將軍何計學陶朱

野香亭

陶弼

野香亭下新開萼
半是天桃半是梅
舊說武陵源上去
今疑大庾嶺邊來
人間亭上醒還醉
天堦墻頭落又開
賓客笑談民鼓舞
不知何者是

春臺

使光亭

陶弼

亭上三峯臂五湖
皇華人到此躊躇
鄉民看取黃龍節
郡吏聽宣赤鳳書
南下威如霜落後
撫邊恩似雨來初
離筵何用銀燈燭
自有雙星照使車

潮月亭

陶弼

角聲吹送小單于
薄霧稀星乍有無
坐看月從潮上出
水晶盤裏夜明珠

茶溪亭

陶弼

茶溪亭上綠沿廻溪上孤城照水開誰趁落潮
離晚渡自尋芳艸上春臺年華有限忙中去人
事無涯暗裏來安得病軀開病眼碧雲瞻拱帝
星回

柱風亭

陶弼

新亭序立郡城樓樽酒登樓未免愁家住斗星
天北野路隨潮水海南頭古憂蛟唇今思濟衆
說魚蝦不直鈎民俗不知官况薄上書重把寇

君畱

吟石

陶弼

守邊無一事江上得閑吟
醉咏歌微出狂書墨
不深潮痕落高岸月色透疎林
此意無人會
宵分淚滿衾

釣石

陶弼

守邊無一事坐石釣東橋
水色連山疊波浪上
海潮餌經沙日暖綸動水
風飄客正思新膾
鯨氣莫驕

醉石

陶 弼

守邊無一事載酒翠崖東
兒穩平沙上杯流醉
石中野蔬沿澗綠林果映江紅
休把鼓鐘動此
歡魚亦同

直釣亭

陶 弼

半載持竿野水東
山翁心不類魚翁
何須巧餌
懸鈎上會使姦鱗落鼎中
西伯道高來呂望文
宗才短失盧仝
縱人能取鱗中意
南海波瀾一
夜空

天涯亭

陶弼

霧雨昏昏嵐益驕
天涯亭上覺魂銷
一家生意付秋瘴
萬里歸心隨暮潮
兵送遠人還海界
吏占仙客入津橋
山公對此難酣飲
未免醒來兩鬢凋

饒秉鑑

知府

誰構危樓倚碧空
亭前風景自無窮
海波浩蕩連天白
山勢崔嵬插漢雄
銅柱望殘思馬老
江城目遍憶商翁
交州迢遞知何處
彝夏于今總

混同

王清都指揮

獨上危樓雙眼豁
西風吹動五花袍
天低古戍來山色
地盡窮荒見海濤
畫角一聲斜日落
朱簾半捲白雲高
伏波事業知難繼
慷慨長歌出寶刀

明徐珪

知州開化舉人

西風吹暮動羈情
目斷天涯萬里程
戀闕有懷勞北望
遠彝無儆罷南征
海濤不見千尋浪
雞

大常聞四五聲莫訝邊民生計薄家家新釀樂
秋成

明

林希元

知州同安人進士

平生夢不到天涯此日登亭獨舉杯二水洲分
魚鷺出千峯簾捲畫屏開聖朝冠蓋從茲盡交
趾王租久不來銅柱功名誇漢將百年落落魄
凡才

王世守

知州合州人恩貢

江上孤亭落日間白雲縹緲水潺潺馮虛不見

蛾眉月爲阻天涯萬疊山

陳遁

三年謫宦逢歸客萬古離情上此亭
彝夏銅標煙漠漠江天野鳥樹冥冥
灌河水落非牛渡趙船風高但釣汀
四壁殘碑荒蘚合可堪霧鶯換新銘

翁溥

僉事

孤亭渺渺郡城西萬里登臨思欲迷
海上暮雲長漠漠天邊春草遠萋萋
珠崖氛祲依山積銅